


Lipinski Joannes  
et hinc Gnesen.

Stavianski Stanislaus Auspicatus ingres-  
sus ad aliam metropolitanam et pri-  
matum Gnesensem. Die. D. Joannis Lip-  
ski.

PANEG. et VITAE

Polon.

N. 465.





# AVSPICATVS INGRESSVS

Ad Almam Metropolitanam & Primatiam  
Gnesnensem Ecclesiam

ILLVSTRISSIMO PRINCIPI, & REVERENDIS-  
SIMO DOMINO,

D. I O A N N I  
a L I P I E  
L I P S K I

Dei & Apostolicæ sedis gratia, Archiepisco-  
po GNESNENSI L. N. Regni  
Poloniæ Primati, primoq; Principi.

P E R  
ILLVSTREM, & ADMODVM REVERENDVM  
DOMINVM

STANISLAVM SLAWIENSKI, Cancellarium,  
Gnesn. Posnanien: Lancicien: Canonicum, S. R. M.  
Secretarium, nomine Venerabilis Capi-  
tuli eiusdem Ecclesiæ congratulatus.

Die 22. Mensis Augusti, Anno Domini M. DC. XXXIX

---

P O S N A N I Æ,

571.



INSIGNE  
VENERABILIS CAPITVLI ALMÆ ECCLE-  
SIÆ METROPOLITANÆ GNESNENSIS.



17341 I

Lilia Nauarræ nostin' quibus arma, nec enses,  
Nec Getici possunt tela nocere DEI.  
Hæc sunt? quid loquor? his hæc nobiliora. Profanos  
Héroas decorant illa, sed ista sacros.

173



PERILLVSTREBVS & ADMODVM REVE-  
RENDIS DOMINIS.

DD. PRÆLATIS

&

CANONICIS  
TOTIQ; VENERABILI CA-  
PITVLO ALMÆ ECCLESIE ME-  
TROPOLITANÆ  
GNEŚNENSIS.

&c. &c.

Dominis ac Patronis Colendissimis.

**N**ON diu, nec dubia consilii lance deliberandum mihi fuit Per-  
illustres & Admodum RR. Domini, cuius tutelæ aut gratiæ e-  
ruditam hanc Panegyrim Perillustres & Admodum Reuerendi  
Domini STANISLAI SLAWIENSKI dedicarem: Vobis debebatur. Argu-  
mentum illius considero? ILLUSTRISSIMI ARCHIEPISCOPI, in felici  
Gneśnam ingressu, encomiasticus applausus est: & vos in ipsa illa Ciuitate,  
in qua hæc gesta sunt, eiusdem encomij & lætitiæ participes. Nomine  
illustrissimi Confessus vestri gratulatio peracta est, iurè igitur quod illam,  
illustri nomine vestro imprimamus, & soliti beneuolentiæ ac fauoris auræ  
committamus. Quid quid multorum videamus illius desiderium? gra-  
tumq;



namq; futurū existimemus, si ipsis manderetur ac euulgeretur. Iam si splendo-  
rem aut ornamentum Auctori ab illustris tituli inscriptione querimus, non  
possumus hoc loco magis splendidum, quā Venerabilis Capituli reperire.  
In Vobis enim Perillustres & Admodum Reuerendi Domini nihil est  
quod desideretur, quibus & Genus praeclarissimum, & eminens in Eccle-  
sia dignitas, & Sapientia erudita, & prudentia laudata maturitas, accu-  
mulant ornamenta. Quod superest igitur. Perillustres DD. VV. demissè  
reuerenterq; oro, ut natū hoc in doctissimo & clarissimo Capitulo Gnesnensi  
munus, à me verò benè merendi ergò humiliter oblatū, beneuolo aspiciant  
oculo, & me, cuius olim tenebam etatem Illustris Capituli praedecessores  
fouerant, in gratiam si non in animum parte aliqua admittant. Posnania  
XIV. Kalend. Octobr. Anno reparata salutis M DC. XXX IX.

Perillustribus & A. RR. DD.

Vestris

deditissimus

ALBERTVS REGVLVS  
Typ: Posnan.





**P**RIMVS ILLVSTRISIME  
Princeps, & Eminentissime Primas, è Cul-  
menſi Episcopā, ad Primatialis dignitatis  
culmen eueheris: primus ab inferiori Suf-  
fraganea, ad Metropolitanā huius & Principis Sponsæ  
complexum venis: primus è primo, in supremū Senato-  
rij Ordinis euadis locum. Fortuna nimirum, præter mo-  
rem suum, virtuti Tuæ ancillata, illam non ostiatim per  
minores honorum gradus deduxit, sed statim in summo  
fastigio, tanquam in Ecclesiæ, & Reipub: specula collo-  
cauit. Gratulamur itaq; Tibi ex animo, quòd omnipo-  
tentis Dei nutu, de quo minima crescunt, & summa pro-  
labuntur, amplissimisq; Tuis in Ecclesiam, Patriam, ac  
Sac: Reg: Maiestatem meritis, hanc gloriosissimā & Prima-  
tialem Sedem conscendas. Quæ an plus Tibi sublimitate  
suâ dignitatis attulerit, quàm Tui ob egregias virtutes  
addideris? nō facile diiudicari potest; & Tunc magis tan-  
to Antistitio, an illius Tibi amplitudo deberetur? valdè  
est ambiguum. Magnus enim eras, antequam fieres, &  
postquam factus es, sublimior tantum titulus & augusti-  
or tiara accessit. Ac veluti Romano quondam Impe-  
rio Numam Pompilium, ita & Tibi tantam Sedem, &  
Te tantæ Sedi, diuinitus obtigisse, manifestè apparet.

A

Vnde



Vnde non mediocriter gaudet Metropolitana nostra,  
quod Te, quem olim ortu, disciplinâ, beneficio Fi-  
lium habuit; iam dignitate Patrem, tutelâ Patronum,  
vinculo Sponsum, authoritate Dominû, officio Pastore  
& Præsule habeat; & sibi è Tuis honoribus, quibus ceu  
illustre quoddam sydus emicas, plurimum accessisse  
splendoris, summoperè gratulatur. Quidni enim fe-  
licitate conditionis quâ Tibi desponsa est glorietur?  
Quidni postquam decora sua Tuis ornamentis cu-  
mulauit, bona quoque Tua, vti iam sua recognoscat?  
Quæ tanta ac talia sunt, vt prorsus ad Te exornandum,  
Natura, Virtus, & Fortuna, veluti tres Charites contē-  
disse, talemq; virum in sua officina procudisse videan-  
tur, vt quicquid honoris, & ornamentorum, quod in  
Te caderet, domi fuit, amplissimis consecutus meritis,  
de ipsa triumphares frustra inuidente inuidia. Vnde i-  
gitur ordiar? an à Patriæ generisque Tui splendore?  
Is enim etiam aliquid, secundum Simonidem, ad ho-  
minis felicitatem confert, si quis Patriâ suâ dignum se  
præstat: & plerinq; Patriæ gloria, ad ardua quæque  
aggredienda, calcar est & incitamentum. Patria Tibi  
est Illustrissime Princeps, ea pars Poloniæ, quæ viros o-  
mni virtutum genere conspicuos, Reipub. amantiissi-  
mos, ac Catholicæ religionis propugnatores acerr-  
mos, semper parturit. Quis enim magis Hæreticam  
prau-



prauitatem infectatur, quàm Palatinatus Rauensis Indigenæ? Quis impensius Spiritalem Ordinem colit, quàm Palatinatus Rauensis Indigenæ? Quis constantius aut animosius iura & immunitates Ecclesiasticas tuetur, quàm Palatinatus Rauensis Indigenæ? Ergò Palatinatus Rauensis Indigenæ in publicis Regni Conuentibus, & legibus, contra libertates & Personas Ecclesiasticas latis, fortiter restiterunt, & latas interpositis protestationibus infirmarunt, & peregrinas religiones abominati, orthodoxæ fidei firmiter adhæserunt. Hos egregiè viciniore quoque, Plocensis, & Mazouiæ Palatinatus imitati, pari laude florere meruerunt. Atque utinam ipsorum exemplo, & superiores loco inuitati, tam insigni encomio celebrari concupiscant. De generis vero & natalium Tuorum splendore, quid dicam? Natus es in ea familia, quæ illustres & fumosas Maiorū & Progenitorum Tuorum imagines, longo ordine circumducit. Quas quidem, licet non abs re quispiam verè fumos dixerit, si eas maiore sua ignominia, quàm laude, venditant discincti nepotes, & longè longius ab eorum nobilitate degeneres: neque tamen diffiteatur oportet, pietas illas virtutes, ut indignis hiscè hæredibus tacita quædam ignauia & vitiorum opprobria; ita forti germanæque soboli non mediocria esse ad virtutem & gloriam irritamenta. Sed



hæc externa sunt, & aliena. præstant, & pluris æstimantur,  
quæ in Te ipso, quàm quæ circa Te, forisquæ spectantur.  
Non enim solis maiorum laudibus censerî, & illustribus  
auorum monumentis umbratilem gloriam venerari  
voluisti: creuisti potius Eminentissime Primas virtu-  
tibus Tuis, meritis Tuis, laboribus Tuis, viamque Ti-  
bi ad tantum fastigium, per ardua & difficilia, multo  
sudore, magnoque anhelitu, aperuisti. Nescio an  
natura prælagiente, an diuino consilio factum sit, vt  
quasi ab incunabulis ita vitam institueres, mores com-  
poneres, actiones conformares, vt dignus redderis  
tanto solio, ad cuius regimen parari & ordinari videba-  
ris. Noueras quippè talia iacienda in iuuenili ætate  
fundamenta, quale ædificium maturesciente eadem  
cogitaret aliquis construere. Itaque à primis statim  
annis, non otium veræ nobilitati ignotum & detesta-  
bile, heroicam Tuam indolem, ad præclara quæuis,  
pronis conatibus enitentem, suo situ torpere fecit, non  
excelsum animi robur languida voluptas emolliit, non  
virilem adolescentis fortitudinem. eiurata illecebræ  
fregerunt: sed huc omnis ingenij & industriæ nervos  
contendisti, vt cum Lacedæmoniis & Romanis adole-  
scentulis, maturè Te ad Rempublicam præparares. Per-  
acto enim celebri studiorum cursu, ex peregrinatione  
Italica reuersus in Patriam, veluti lucifer matuti-



aus, mirificum splendorem, ac caeleste iubar secum af-  
ferens, radiis virtutis & doctrinae effulxisti. Ac quam-  
primùm ad Rempublicam accessisti, in Secretariorum,  
Regiae Maiestatis numerum còoptatus, cum in illa ci-  
uilibus prudentiae palæstra, & patriarum rerum gazophy-  
lacio, Cancellaria, aliquandiu summam cum laude & cò-  
mendatione versareris, exactissimo, Serenissimi augu-  
stissimæ memoriæ SIGISMUNDI III. Regis, (cuius  
in pernoscentis ingeniis acumen, in ponderandis meri-  
tis prudentiam, in remunerandis præclare factis iustitiam,  
in excitandis denique ad omnem honestatem & laudem  
hominum studiis perpetuam sollicitudinem, orbis uni-  
uersus usque dum admiratur) iudicio, breui eiusdem  
Cancellariae Regens, ac postmodum Serenissimæ Con-  
stantiae Reginae Cancellarius constitutus, non solum  
Patriæ mores ac ritus omnes percaluisti, non solum Ec-  
clesiastica iura, instituta, causasque, familiaris magnis  
Præsulibus, exactè expèdisti: verum etiã secretiora quæq;  
populorum, nationum, Principum, Regumque negotia,  
pertractasti, domestica omnia acta, decreta, pacta, fœ-  
dera, leges, sanctiones, coram inspexisti: non solum  
Latinæ linguæ Suadam, mitioresq; Musas, ad gelidum  
hunc axem, è natiuo solo demigrasse illis gentibus, quæ se  
politas, & nos barbaros vocant, palam fecisti; verum  
etiam Romam ipsam, Romano ore loqui, si Tuo loque-



retyr, docuisti. Insuper in tam lubrico positus loco,  
vti in laborioso, & inuidioso officio, in quo non dicam  
gratiam mereri, sed odium vitare difficile est, non solum  
Serenissimis Principibus, non solum præcipuis Curiali-  
bus; sed & cœqualibus Tuis, & omnibus penitus aliis,  
ita charus fuisti, vt vnus omnes omnium gratias surripu-  
isse, incredibili quadam fœlicioris naturæ liberalitate  
videreris. Vtus enim acri iudicio, & circumspecta  
prudencia, omnia sine iactantia egisti, & tam ad Prin-  
cipum, quàm ad Reipub. bonum famam retulisti. Ma-  
iores porro obsequio & obseruantia, pares studio & of-  
ficio, minores vero humanitate & affabilitate demere-  
ri contendisti. Regentis munere summâ cum Tui no-  
strique nominis gloriâ defunctus, Referendariatum Re-  
gni eiusdem illius Regis beneficio capeffiuit. In quo  
quidem officio nemo Tuam operam requisivit, cui nō  
promptissimam exhiberes, nemini vnquam iustum pa-  
trocinium denegasti. Nemo calamitate afflictus aut in-  
iuria laceffit, frustra Tuâ opē implorauit. Familiare  
Tibi fuit, nō tantū petentibus subuenire; sed etiam non  
petentibus vltro suppetias ferre. Faciles semper ad Te  
cuius, etiâ ex infima plebecula aditus patuerunt, nec  
maximis sæpius impedit<sup>9</sup> negotiis, vnquâ Te desideran-  
tibus subtraxisti. Cōsuetudo modesta & amabilis, quâ  
comitas cū seueritate, hilaritas cum grauitate, humani-



tas cum generositate, pari libra condiret. Neminem  
certè à Te tristem abire patiebaris, & diem perdidisse  
existimabas, quâ nihil cuiquam præstitisses. Longum  
quo quæ esset recensere, quemadmodum inuictam con-  
stantis animi magnitudinem, & infractum solidissimæ  
mentis robur, in rebus grauissimis & difficillimis decla-  
raueris, ac veri Areopagitæ instar, in omnibus iudiciari-  
is causis, à tramite iustitiæ nequaquam, vel ambitis  
vltro à quibusdam fauoribus, vel priuatis respectibus,  
abstractus deflexeris. Vt meriò illud Tibi congruat  
elogium, Te difficilius à recto, quàm solem à suo cur-  
su auerti posse. Ergò, cum Te Serenissimus VLADI-  
SLAVS IV. Rex post hominum in memoriam pruden-  
tissimus, solidè doctum & eruditum, variâ & multiplici  
experientiâ prudentem, complurium negotiorû admi-  
nistratione cautum, rerum & antiquarum & nouarum  
cognitione peritum, morum tam externorum quàm  
domesticorum scientiâ præstantem, comperisset, a-  
bundeque probasset, in Senatorium Ordinem asciuit,  
& Culmensi hyperendymate insigniuit, atque quem  
iam bonum ante fuisse remigem nouerat, ad guberna-  
cula admouit. In Senatoriæ & Episcopalis dignitatis  
apice constitutus, quæ egeris, & peregeris, si comme-  
morem, vereor Illustrissime Princeps, ne pudicas aures  
Tuas lædam potius, quàm oblectem. Quam generosè  
immanes feras à Dominico ouili pepuleris, quàm di-  
ligen.



ligenter totam Diœcesim perlustraueris, quam zelosè  
eandem prauis moribus perpurgaueris, quàm studiosè  
pro instaurandis, Prussico bello depopulatis, Ecclesiis,  
omnem conatum intenderis, etiam me tacente, sera  
loquetur posteritas. vt meritò illud, quod Octavianus  
Augustus fastuosè iactare quondam consueuerat,  
se lateritiâ Romam accepisse, & marmoream relin-  
quere, Tibi potius è Culmensi Sede ad hanc commi-  
granti, sit adscribendû. In Sententiis verò Tuis in Senatu  
ea verborum grauitate, ea orationis dignitate, ea ratio-  
num varietate, ea temperantiâ ac moderatione, ea pru-  
dentia ac iudicio, ea libertate ac energia vsus es, vt in  
nullius sensum vel mentem frequentiora Senatus con-  
sulta, quàm in Tuam sancita fuerint. Cum etiam  
Serenissimus Rex, pro Reipub. huius splendore, tran-  
quillitate, & salute, proli propagandæ, & posteritati  
proferendæ, operam dare cuperet, quæ Maiorum suo-  
rum innixa vestigiis, eò virtutis perueniret, quò eam  
peruenire dignum esset, id pro voto contingere posse  
arbitrabare, si eius generis vxorem acciperet, ex qua  
talem, qualem animo conceperat, sobolem suscipere  
posset. Multum enim adfert momenti, quam quisq;  
vxorem sibi sumat, quibusuè ea nata sit parentibus, di-  
ligenter prauidere. Tu itaque Illustrissime Princeps,  
vti homo sagacissimus, cum non ignorares, nullam vi-  
quam



quam Principum familiam, tot Regibus & Imperatoribus, ac Austriacam celebrem fuisse; imo verò ipsam solam, foecundæ arboris instar, in tantum ramos suos produxisse, vt totius Europæ Regna & Principatus inunbrent, tacitâ quadam rerum consecutione, ac certo mentis præfagio prænouisti, si ex ea Serenissimus Rex Coniugem duceret, euenturum huic Regno, quod ab omnibus enixè expetebatur. Itaq; impulsor & cohortator extitisti, vt Serenissima Cæcilia Renata, Archiducissa Austriæ, Imperatoris filia, Imperatoris soror, in throni & thori Regalis Consortem posceretur. Quod vbi post multas deliberationes constitutum est, Tu potissimum lectus es, qui tanta legatione apud Serenissimum & Potentissimum Romanorum Imperatorem Ferdinandum III. perfungereris. In qua non solum rem ex voto communi, prudentiâ & dexteritate singulari, confecisti; verum etiam, Diuinâ Tua eloquentiâ, Imperatoriam Maiestatem, alieno tantum ferè ore loqui solitam, ad inusitatum proprii oris responsum prouocasti. Et vt multa paucis comprehendam, ita magnificè, ita prudenter, ita feliciter, commissum negotium obiuiisti, vt Tibi Rex Coniugem, Tibi Regnum Reginam, Tibi Ecclesia Catholica Catholicam Reginam, debere se fateantur. Licet enim omnes bonos, & religioni Catholicæ studiosos Ciues, tam faustarum nuptiarum autho-



res, & consuasores habuerit Respub.; Tu tamen conciliator fuisti, Tu quod vniuersi probæ mentis, ardentissimis desiderijs ambiebant, perfecisti. Meritò igitur Rex Optimus, Tua in Ecclesiam merita, & in bonum publicum amorem, postquam immortalis dignus memoriâ Illustrissimus olim Ioannes Węzyk, ex hac mortalis vitæ statione decessit, Archiepiscopatu Gnesnensi, Principatu Sacrorum & Senatus, Primatu Regni, remunerauit. Ad quem Tibi non Maiorum tumentes tituli, non flagellatæ cistis diuitiæ, vel earum inanis & inuidiosa iactantia, non eblanditæ vel expetitæ Principū commendationes, viam munierunt; sed eadem illa virtus, quæ Te ab ipsis incunabulis susceptum, perpetuò commitata est, & quæ nunquam publicum sine præmio aspexit, celerius, quàm mos Aulæ ferebat, & antè alios Competitores, in hoc celsissimo dignitatis folio, suis ipsamet manib⁹ collocauit. Ad igitur Illustrissime Princeps superis fauentibus honorem hunc amplissimum, & iam ad clauum manum porrige. Nos DEVM precamur vniuersi, vt quem Tibi Primatum detulit, velit ad gloriam suam, Ecclesiæ splendorem, religionis augmentum, Patriæ salutem, bonorum commoda, Tuorum solatium, Tuique nominis immortalitatem, & rebus prudenter gerendis memorabilem, & vitæ sanctitate insignem, & annorum multitudine esse perquam diuturnum.



num. Nam procul dubio non humanis consilijs, sed  
diuina dispensatione illum capeffis: vt non vanum pro-  
fecto fuerit pientissimi Antecessoris Tui augurium,  
qui quo Te die in Episcopum consecrauit, tum alijs  
multis, tum lectissimæ Matronæ Matri Tuæ, suum se cõ-  
secrasse successorem, affirmauit. Et credo ego beato  
illius animo, mortalia è sede immortalitatis despicienti,  
non parùm hinc accedere voluptatis, quòd quem opta-  
uit & promisit, videat successorem. Cæterum cùm  
lege mystici & sacri connubij, Tu & sponsa Tua, bona  
vestra pariter contulistis; dum illa, magnificentiam Tu-  
am admiratur, caue Tu quæso fortunam eius despicias.  
Archiepiscopi Gnesnensis, L. N. Regni Primatis, Pri-  
miq̃ue Principis titulos, & amplissimas, quibus digni-  
tatem Tuam tuearis, possessiones in dote numerat: quæ  
tamen hac Tibi lege commendat, vt ea quoq̃ue in  
ipfius vsum, emolumentum, decorem, præsidium, &  
necessitatem accõmodes. Age igitur Eminētissime Pri-  
mas, præripe posteris Tuis hanc gloriam, ne patiare  
Principi, tam liberaliter & opulenter exdotatæ Sponsæ  
Tuæ, quidpiam vnquam deesse; & quod aliquando  
fieri necesse est, vt Te potissimum Archiepiscopo fiat,  
enitere. Addatur hoc decus annalibus nostris, signetur  
tam magnifico titulo Archiepiscopatus Tuus, vt olim  
& legatur, & palàm circumferatur, Teeum Archiepi-  
scopum



scopum fuisse, qui Sponsæ Tuæ decori, omniâ prorsus  
priuata commoda postposueris. Commendandi Ti-  
bi necessitates illius, illud mihi magna ex parte adimit  
laborem, quod, nemo sapiens putet, oportere sua cui-  
quam commendari. Quoties itaq; Illustrissime Prin-  
ceps Tecum ipse cogitabis, Ecclesiam hanc Sponsam  
Tuam esse, & nos eius Filios, fraternitatis vinculo Tibi  
mancipatos, & in Tuo ære, Tuaque fraterna, seu poti-  
us paterna fide positos, toties non tam nostro, quàm  
Tuo interesse iudicabis, ipsam vna nobiscum quàm  
florētissimam, & fortunatissimam reddere. Semiru-  
ta illius sacella, squalidum D. Tutelaris sepulchrū, deca-  
pitata altera turris, ruinosa porticus, earumque perplu-  
entia tecta, ac non mediocriter infirmati magno imbri-  
um decursu, crebriſque stillicidiis fornices, afflicti ve-  
tustate parietes, desolata organa, accisi iniquitate tem-  
porum, & in tanta rerum omnium caristia tenues, mi-  
noris Cleri reditus, & hinc [ quod absit ] proximè im-  
minens quorundam Officiorum diuinistitium, Tuam  
liberalitatem munificentiamque implorant. Hæc Ti-  
bi à superis reſeruata palma, vt Tu aliquando conficeres,  
quod omnes retro Antecessores Tui concupiuerunt,  
& nemo, siue per graues negotiorum rationes, siue per  
præmaturam mortem, siue per fluxam viribus valetu-  
dinem, omnino est assecutus. Sed quid ego hæc apud  
Te

Te Illustrissime Princeps? quasiverò vel meæ partes sint  
Tui adhortandi, ac non potius venerandi & celebran-  
di, vel Tu stimulis indigeas ullis, qui Tua sponte nihil  
vnquam nisi arduum, nisi excelsum, nisi Ecclesiæ Dei sa-  
lutare, cogitas & moliris. Quapropter non hæc ampli-  
us ingero, illud tantum addam: arcano quodam Dei ar-  
bitrio, & inexplorata fatorum vi, factum esse, vt Te in  
capotissimum tempora asseruarent, quibus infernalis  
coluber vehementius virus suum euomere conatur,  
quibus pseudopolitica sanies mentibus etiam sanis sen-  
sim illabitur, quibus Ecclesiastica libertas per hanc ma-  
lorum omnium lernam depresso gemit, quibus Sacer-  
dotalis dignitas sædis contumeliis passim sugillata, ty-  
rannicis propè modum rapinis lacerata, sublati pia-  
rum foundationum, à Progenitoribus nostris, ad eluen-  
das animarum suarum maculas, institutarum prouen-  
tibus, conculcata, Te vindicem atq; assertorem efflagi-  
tat. Propone Tibi ante oculos Eminentissime Primas,  
communem omnium nostrum Parentem Ecclesiam;  
ex Tuo nutu pendentem, Tuam operam, Tuum pa-  
trocinium summa sollicitudine expectantem: propone  
inquam maternè implorantem, vt inimicis suis zelum  
religionis, & Primatiale Maiestatem opponas: vt cõ-  
tra discolos & contumaces acutiorem pastoralis pedi-  
magnanimitè exeras aculeum. Illa Te CHRISTO genu-  
it, illa



it, illa educauit, illa ad tantum dignitatis gradum pro-  
uexit. Nulla Tibi maior quam cum illa cognatio: vna  
illa omnes omnium charitates complexa est. Illi vni de-  
bes, quod nihil amplius domi sperare possis: quod præ-  
terea Celsitudini Tuæ debetur, foris pete, vel meritis  
expecta. Tua enim celebris fama, Tua Illustris virtus,  
magnorum in Regiam Maiestatem, in Ciues, in Patri-  
am, & in Ecclesiam meritorum, firmiter radices fixit,  
firmius etiam breui (vti speramus & vouemus) fixura.  
Quia non ante parare cum illa fortuna desinet, quam Ti-  
bi debitam sacratam comparet purpuram. Scilicet hic  
nouus honor Tuus aperuit Tibi enauigandum altius  
mare, patefecit ampliorem campum, in quo se Tua præ-  
stans animi magnitudo ad publicum Patriæ & Ecclesiæ  
bonum magis expromere, & vltcrius excurrere  
queat industria, vt tandem talentum à Deo traditum,  
Euangelica negotiatione multiplicatū, inter Eminen-  
tissimos illos Purpuratos constitutus Patres restituas,  
atq; in matura gloriæ felicitate, Patriæq; vtilitate lon-  
gæuus Hierarcha conseneskas. Interim Illustrissime Ar-  
chipræsul, dum superiores Principes, inclytos Præde-  
cessores Tuos, nominis splendore, & rerum gestarum  
magnitudine superare contendis, absit vt illorum acta,  
sanctiones, dispositionesq; infringere cogites: quin po-  
tius sacro sanctè, iura, prærogatiuas, & Priuilegia, tam  
Metro-

20  
Metropolitanae huius, quam aliarum Collegiatarum & Con-  
uentualium Ecclesiarum, totiusque; Archiepiscopatus, atque; o-  
mnium eorum, qui siue pro singularibus meritis, siue pro fide-  
liter praestitis obsequiis, concessis sibi, & a Capitulo con-  
firmatis, gaudent gratiis & fauoribus, inuiolata, &  
illibata conseruabis; efficiesque, ut neque; Karnkouia-  
nam circumspectam prudentiam & magnanimitatem,  
neque; Tarnouianam magnificentiam, neque; Macieiouia-  
nam benignitatem & probitatem, neque; Baranouianam  
grauitatem, neque; Gembicianam admirabilem bonita-  
tem, liberalitatem, & paternum erga nos, & hanc Eccle-  
siam animum, neque; Firleianam generositatem, neque;  
Węzykouianam insignem pietatem, & vitae integrita-  
tem, desideremus. Ac quod reliquum est, hunc Tuum.  
Sacrum Senatum, hoc Tuum Princeps Capitulum, hos  
Tuos religionem, Tuos fide, Tuos voluntate, Tuos bene-  
ficio, Tuos officio, Tuos obsequio, suscipe Fratres, &  
eâ manu, quâ Te ipsi in Pastorem accipiunt, eo affectu,  
quo se ipsi Tibi studio deuouent, complectere.







